



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-606-4/22**
Datum: **25.01.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica, «BROVIS» d.d. Visoko za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokaliteta kompleksa Inkubatorske stanice sa proizvodnjom jednodnevnih pilića u naselju Čekrekčije, grad Visoko, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «BROVIS» d.d. Visoko daje se vodna dozvola za ispuštanje tehnoloških otpadnih voda u prirodni recipijent sa lokaliteta kompleksa Inkubatorske stanice sa proizvodnjom jednodnevnih pilića izgrađenog u naselju Čekrekčije na zemljištu označenom kao k.č. 673/2 i 674 K.O. Čekrčici, grad Visoko.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji kompleksa i uz sljedeće uslove:
 - 2.1. Da se upotreba i korištenje predmetnog kompleksa objekata vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da korisnik predmetnog kompleksa, za vrijeme trajanja ove dozvole, obezbjeđuje da se tehnološke otpadne vode nastale pranjem opreme, poda objekta, gajbi za transport pilića, otpadne vode iz dezobarijera zajedno sa oborinskim onečišćenim vodama sa uređenog platoa i manipulativnog prostora u krugu objekta, nesmetano prikupljaju sistemom slivnika i kanalizacione mreže te odvođe na tretman u postrojenje za tretman otpadnih voda a nakon tretmana ispuštaju u rijeku Bosnu.
 - 2.3. Prečišćene otpadne vode moraju ostati u maksimalno dopuštenim granicama definisanim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje prikupljenih otpadnih voda (postrojenje za tretman otpadnih voda, slivne rešetke, dezobarijere, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i održavanje postrojenja za tretman otpadnih voda te skladištenje i konačno zbrinjavanje otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu mulja/taloga iz uređaja za tretman kao i preuzimanje drugog otpada.
 - 2.5. Vlasnik odnosno korisnik kompleksa je obavezan da uredno vodi evidenciju o čišćenju i dezinfekciji objekta, održavanju i čišćenju kanalizacije unutar i van objekta, te odvozu animalnog otpada.
 - 2.6. Vlasnik odnosno korisnik kompleksa je dužan da sav otpad nastao u proizvodnji (eventualno uginuli pilići, neoplođena jaja, neizvaljana jaja, škart pilići...) zbrinjava na bezbjedan način do njihovog transporta ili predaje pravnom licu za odvoz i neškodljivo uništavanje u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla te o njihovom uništavanju.
 - 2.7. Da se vrši redovno održavanje ispusta, dijela lijeve obale i korita rijeke Bosne kao i pristupa mjestu na kojem se nalazi ispuštanje otpadnih voda iz predmetnog objekta.
 - 2.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa čvrstim opasnim i neopasnim otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

- 2.9. Talog iz postrojenja kao i ostali otpad koji nastaje na predmetnom lokalitetu ne smije se odlagati na česticu «vodno dobro», odnosno u vodotok i na njegove obale.
- 2.10. Vlasnik odnosno korisnik kompleksa je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
- 2.11. Korisnik kompleksa je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik kompleksa je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje IV – Utvrđivanje (izračunavanje) broja ekvivalentnih stanovnika te prema urađenom elaboratu, u cjelosti i u propisanim rokovima izvršiti obavezu plaćanja vodnih naknada.
4. Na osnovu utvrđenog stepena zagađenja ispuštenih otpadnih voda izraženog preko EBS-a (ispitivanje urađeno od strane ovlaštene laboratorije) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), vlasnik odnosno korisnik kompleksa je obavezan za utvrđeni broj ekvivalentnih stanovnika (EBS) prema rezultatima ispitivanja plaćati posebnu vodnu naknadu za zaštitu voda (Prilog 1. Poglavlje IV).
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik predmetnog kompleksa obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne Inkubatorske stanice obuhvaćene ovom vodnom dozvolom, korisnik zaštitnih vodnih objekata nije odgovoran za nastale štete.
8. Ukoliko radom predmetnog kompleksa dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. U ovoj upravnoj stvari plaćene su sve upravne pristojbe.
11. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «BROVIS» d.d. Visoko svojim zahtjevom zaprimljenim 03.11.2022. godine, zatražilo je od ove Agencije izdavanje vodne dozvole za ispuštanje otpadnih voda u prirodni recipijent sa lokaliteta kompleksa Inkubatorske stanice sa proizvodnjom jednodnevnih pilića izgrađenog u naselju Čekrekčije na zemljištu označenom kao k.č. 673/2 i 674 K.O. Čekrčici, grad Visoko.

U provedenom postupku dostavljena je i pregledana sljedeća dokumentacija:

- Ovjereni kopiji Aktuelnog izvoda iz sudskog registra broj: 043-0-RegZ-21-002530 izdatog DANA 21.09.2022. godine od strane Općinskog suda u Zenici,
- Ovjereni kopiji Uvjeranja o poreznoj registraciji izdatog dana 16.12.2002. godine od strane Porezne uprave – Kantonalni ured Zenica,
- Kopija Rješenja o upotrebi građevine broj: 12-23-6257/08 izdatog dana 10.03.2009. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Rješenja o vodnoj dozvoli broj: UP-I/25-3-40-555-6/17 izdatog dana 15.11.2017. godine od strane «Agencije za vodno područje rijeke Save» Sarajevo,
- Kopija Rješenja o okolinskoj dozvoli broj: 12-23-00557/18 izdatog dana 12.03.2018. godine od strane Ministarstva za prostorno uređenje, promet i komunikacije i zaštitu okoline Zeničko dobojskog kantona,
- Kopija Izvještaja o monitoringu kvaliteta i kvantiteta otpadnih voda objekata Inkubatorske stanice broj: 1470/21, oktobar 2021.; broj: 613/22, april 2022.; broj: 1455/22, oktobar 2022. godine urađeni od strane «Inspekt-RGH» d.o.o. Sarajevo,
- Kopija Izvještaja o rezultatima ispitivanja tereta zagađenja otpadnih voda izraženog preko EBS-a urađenog u oktobru 2020. godine od strane «Inspekt-RGH» d.o.o. Sarajevo,
- Kopija Ugovora o čišćenju postrojenja za tretman otpadnih voda broj: 1622/22-DS zaključen dana 19.09.2022. godine sa «DELTA PETROL» d.o.o. Kakanj (prilog-radni nalog o čišćenju od 19.09.2022)
- Glavni projekat Inkubatorske stanice (Knjiga 2 - hidroinstalacije, broj: 01-78/05) urađen od strane «UNIONIZGRADNJA – STUDIJE I PROJEKTOVANJE» d.d. Sarajevo – na uvid,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-555-6/17 od 15.11.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 10.11.2022. godine konstatovano je da podnosilac zahtjeva «BROVIS» d.d. Visoko redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog pogona dana 13.01.2023. godine i tom prilikom je sačinjen Zapisnik o uviđaju broj: UP-1/21-3-40-606-3/22.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- U naselju Čekrekčije, grad Visoko, na lijevoj obali rijeke Bosne na zemljištu označenom kao k.č. 673/2 i 674 K.O. Čekrčići izgrađen je objekat inkubatorske stanice (valionica), objekat portirnice sa ulazno-izlaznom kapijom i dezinfekcionim barijerama, kotlovnica (dva kotla na plin), trafo stanica, uređaj za tretman otpadnih voda, interne saobraćajnice, parking prostor.
- U objektu inkubatorske stanice je instalirana tehnološka oprema koja je neophodna za proizvodnju jednodnevnih pilića za intenzivni uzgoj pilića u farmama kooperanata. Ukupan kapacitet proizvodnje je 11.000.000 jajnih ćelija godišnje.
- Za predmetni kompleksa je od strane Agencije dana 15.11.2017. godine doneseno Rješenje o vodnoj dozvoli broj: UP-I/25-3-40-555-6/17 sa uslovima iz dispozitiva koji su u potpunosti ispoštovani a od strane Ministarstva za prostorno uređenje, promet i komunikacije i zaštitu okoline Zeničko dobojskog kantona dana 12.03.2018. godine doneseno je Rješenje o okolinskoj dozvoli broj: 12-23-00557/18.
- Tehnološke otpadne vode koje nastaju pranjem opreme, poda objekta, gajbi za transport pilića, otpadne vode iz dezobarijera, oborinske onečišćene vode sa uređenog platoa i manipulativnog prostora u krugu objekta odvođene se zajedno sa sanitarno-fekalnim otpadnim vodama iz toaleta za uposlene do tipskog uređaja za tretman otpadnih voda-purator (proizvođač Wallner Neubert-Austrija). Nakon tretmana, prečišćene vode se preko okna za monitoring ispuštaju u rijeku Bosnu.
- Otpad nastao u proizvodnji (eventualno uginuli pilići, neoplođena jaja, neizvaljana jaja, škart pilići...) se privremeno skladišti u zatvorene namjenske posude do momenta odvoza u vlastitu kafileriju u naselju Donje Moštre.

- Čišćenje odnosno pražnjenje postrojenja za tretman otpadnih voda se vrši redovno od strane «DELTA PETROL» d.o.o. Kakanj prema Ugovoru (prilog-radni nalog o čišćenju od 19.09.2022. godine).
- Monitoring otpadnih voda se vrši redovno. Na uvid je dostavljen Izvještaji o monitoringu kvaliteta i kvantiteta otpadnih voda objekta inkubatorske stanice «BROVIS» d.d. Visoko, oktobar 2021. godine, april i oktobar 2022. godine urađeni od strane «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.
- Prema dostavljenom Izvještaju o rezultatima ispitivanja tereta zagađenja otpadnih voda izraženog preko EBS-a urađenom u oktobru 2020. godine, ukupan teret zagađenja otpadnih voda izražen kao ekvivalentni broj stanovnika EBS = 30,1ES-a.

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07). Budući da podnosilac zahtjeva ima instalirano postrojenje za tretman otpadnih voda koje daje dobre efekte, logično je i pravično da posebne vodne naknade plaća po izmjerenom teretu zagađenja na izlazu iz postrojenja za tretman otpadnih voda i na taj se način poštuje načelo „zagađivač plaća“.

Na osnovu provedenog postupka konstatuje se da je podnosilac zahtjeva, «BROVIS» d.d. Visoko ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent sa lokaliteta kompleksa Inkubatorske stanice sa proizvodnjom jednodnevnih pilića izgrađenog u naselju Čekrekčije, grad Visoko, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-606-2/22 od 05.12.2022.godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju:
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «BROVIS» d.d. Visoko
Dobrinje bb, 71305 Donje Moštre, Visoko
- AVP Sava, ISV-vodna knjiga
- Sektor 50
- ⊖ Sektor 40 – arhiva
- oglasna ploča – AVP Sava